

病陳疏適免以金蓋國為戶曹判書以李景奭為弘文館修撰○庚辰 上下
教曰李德洄等首壞邦憲以啓後弊在法難貸已為科罪矣然其竭誠完事之
功將命越海之勞亦不可不酬職牒還給叙用○戶曹判書金蓋國上劄辭職
荅曰省疏具悉此任卿若不堪未知誰可堪耶卿須勿固辭為國展才以副
予望○夜流星出乾菰星下入天弁星上填星犯太微西垣第二星○辛巳同
副承旨張顯光復上疏辭職 荅曰觀爾疏章予甚慮念所辭今姑勉從俟春
暖上來以副予至望○侍講院啓曰 王世子入學之時當講大學經一章而
大提學臣金瑬云在前入學時只講大文音釋或並講註音釋云問于貳師臣
李廷龜則曰只講大文音釋則太略並其註而釋之則似煩大文則並講音釋
註則只講音而不釋似當云敢稟 荅曰只講大文音釋可也○雷動電光坤
方有氣如火光○以沈悅為判尹金著國為右副承旨尹知敬為副應教金光
赫為檢閱○壬午生負朴明宇上疏請勿遣弘立蘭英等子仍治三司不言之
罪以扶綱常三司以被人詆斥皆引嫌○夜月犯牽牛南星流星十餘出於中
天散入四方天際其大或如拳或如杯長各數三丈光照地又有流星三十餘
散入天際有光○癸未左議政尹昉右議政申欽啓曰臣等以不稱辭以灾異